

# Sidang lima hari atasi dadah

Oleh **ABDUL  
RAHMAN  
SAADON**

SEKALIPUN belum terbentuk sebuah persekutuan antarabangsa menggabungkan badan-badan bukan kerajaan (N.G.O.) membentasi dadah, namun sudah terlihat kesungguhan badan-badan ini kebanyakannya dari Asia-Pasifik bergabung tenaga untuk memerangi dadah yang dicap musuh utama masyarakat.

Pada tahun 1973, Biro Rancangan Colombo merintis usaha ke arah mencapai matlamat ini dengan mengendalikan program nasihat dadah bagi membantu pembenterasan peringkat kebangsaan dan rantauan.

Hasilnya: Suatu Sidang Antarabangsa N.G.O. pertama membentasi dadah berlangsung di Jakarta 1979 — kemudian di Manila 1980.

Antara negara yang hadir di kedua-dua sidang itu ialah Australia, Hongkong, Indonesia, Republik Korea, Malaysia, Nepal, Singapura, Negeri Thai dan Filipina.

Tiba masanya kini bagi badan-badan ini bersidang lagi meninjau kembali pencapaian mereka di negara masing-masing. Apalagi bila memandangkan corak pertumbuhan masyarakat yang berubah-ubah sekarang disamping masalah-masalah yang mengekorinya.

Justeru itu, tepat sekali sidang ketiga ini diadakan, kali ini di Kuala Lumpur, dengan tema: "Tindakbalas badan-badan bukan kerajaan terhadap corak penggunaan dadah yang berubah-ubah."

Sidang lima hari ini bermula pada 2 November, dianjurkan oleh Urusetia Dadah Kementerian Dalam Negeri dengan kerjasama Biro Rancangan Colombo.

## Tuan rumah

Lebih 50 peserta dari dalam dan luar negeri akan mengikutinya. Setakat ini Filipina, Thailand, Bangladesh, Singapura, Hongkong, Netherlands, Amerika Syarikat, Australia, Indonesia, Nepal dan Sri Lanka sudah mengesahkan penyertaan mereka.

Sudah tiga kali Malaysia menjadi tuan rumah sidang antarabangsa mengenai dadah. Pertama, Sidang Pakar-pakar Dadah ASEAN Keempat 1979. Kedua, Sidang Honlea (Ketua-ketua Agensi Penguatkuasaan Undang-undang Nasional) 1980.

Bagaimanapun, kemeriahannya mengadakan sidang tidaklah memadal. "Apa yang penting ialah pelaksanaan langkah-langkah positif dari sebarang rumusan sidang," tegas Datuk Rais Yatim, Yang Dipertua Pemadam Kebangsaan di salah satu mesyuarat Jawatankuasa Pengelola Persidangan N.G.O di Kuala Lumpur.

dah yang mengangapannya musuh utama negara. Kem Pemadam Sungai Besi dekat Kuala Lumpur saja menelan belanja \$1.7 juta."

Kem ini, dalam pembinaan, dijangka siap bulan Mac tahun depan untuk mula mengendali khidmat pemulihan bagi para penagih dadah, ujar beliau.

Langkah positif kerajaan memerangi dadah bermula Jun 1976 dengan penubuhan Persatuan Mencegah Penggunaan Dadah (PEMADAM).

Pegawai Perhubungan Awam Pemadam, Puan Ainon Ariffin, berkata, pihaknya menjalankan tindakan dua penjurong ke arah penghapusan penggunaan dadah — pencegahan dan pemulihan lanjutan.

Pencegahan yang menggunakan 65 peratus dari tenaga khidmat badan itu meliputi kempen menentang penggunaan dadah termasuk tayangan slide oleh RTM, mengadakan dialog, ceramah, kursus, seminar serta pertandingan-pertandingan melukis poster, menulis skrip drama, cogan kata dan pantun.

Dari segi pemulihan lanjutan, Pemadam setakat ini telah mendirikan sebuah rumah perantaraan di Jalan Taming Sari, Kuala Lumpur, dan tiga pusat harian di Kajang, Seremban dan Kelang.

Di rumah perantaraan dan pusat harian ini, bekas-bekas penagih yang berdaftar diberi latihan di bidang kerja tangan di samping belajar melukis, muzik dan sebagainya mengikut kecenderungan masing-masing. Mereka juga diberi didikan agama.

Menurut Puan Ainon, tenaga-tenaga pengajar ini dipinjamkan dari berbagai kementerian termasuk Kementerian Pelajaran, Kementerian Penerangan dan Kebudayaan Am di samping Institut Dakwah Islamiah, Majlis-majlis Agama Islam Negeri dan para ahli sukarela.

Terdapat juga pusat-pusat pemulihan penagih dadah yang ditadbirkan oleh kerajaan seperti di Kuching, Tampoi, Kuala Kubu Baru, Besut dan Bukit Mertajam.

Sebuah lagi pusat pemulihan penagih dadah akan dibuka tidak

dikendalikan oleh kerajaan akan khusus menampung para penagih wanita, yang merupakan 15 peratus dari jumlah penagih seluruh negara.

Setakat ini 400 orang telah diberi khidmat pemulihan sejak pusat-pusat harian ini ditubuhkan dalam 1979.

Pemadam sekarang mempunyai 60 orang juru runding yang boleh memberi khidmat kepada mana-mana pihak yang memerlukan nasihat berhubung dengan soal penggunaan dadah.

Pemadam mempunyai kira-kira 18,000 orang ahli sehingga ini. Keahlian terbuka kepada semua warganegara Malaysia yang berusia 18 tahun ke atas dengan disyaratkan membayar yuran \$1 setahun.

Bagi sesebuah kelab atau swasta menyertai Pemadam dikenakan yuran tahunan masing-masing \$30 dan \$50. Ahli seumur hidup dikenakan bayaran sekaligus \$50.

Mengenai sidang N.G.O ketiga yang akan dirasmikan oleh Perdana Menteri Datuk Seri Dr. Mahathir Mohamad, Cik Chung Tse Tuan, Ketua Penolong Setiausaha Urusetia Dadah Kementerian Dalam Negeri berkata, beberapa perkara penting akan dibincangkan oleh peserta.